

Yiith e raan ci caal e pinyinhöm

Ajokcok

Nä caa athëek tö e baai thök e thai yic gäm ku yithkën thoŋ tö e nyiinkën, kek aalau enhom ku thoŋ, ku dör e pinyinhom.

Ku nä ci yiith e raan mar ekoc nhiim, ku dhalkek bi kuöc lööi bëi epion e raanic, ku aye raan thök eben waai bi ben epinyinhom bi raan liëk e lau enhom e jamdeic, ku thëek yanhde, ku ci bën rioc, ku ŋoŋ.

Ku na peth bi lööŋ raan aaköuny, bi raan cii nyany e rin eköuc löui ye löui yën, ku tɛŋ enyin piny.

Ku nä ci wut ethai matyiic, yen gam e cök elööŋiic lön de raan yith tääm kua thëek, ku na thoŋ möc nhöm këk e tik e yithiic kua ci tääm bik röt aaköuny bi pir piath baai ku lëu yic.

Ku na ci bëi tö akutic gam bik ka cin mat kek akut e mawuut epinyinhom(UN), bik yith e raan ku lau enhöm kua thëek aatiit.

Ku na ŋic eben lön e yith kak ku lau enhöm alëŋ köuny dit kua thëk e gëm gëm ken yic.

Ka kut dit adhël.

cööt ecëël ken yic erin yith e raan, erin yën e tën eröm ethai eben thin, ku(UN), wic bi raan tic e ciëŋic ku tëu ka nyiin piny ecëël ken yic, bi athëk eyith ku lau enhöm kak cök cökpiny edhöl epioc ku wëet ku cër cër ebaiyic ku pinyinhöm bi bik tiit. epiny nhöm eben ekäm ebëi tö akutic, ku thai awën rër tö eke cin.

Wiën 1

Raan thök eben aye dhëeth ka lau nhöm kua thoŋ nhiim eyithiic, kua thëkic, kua ci yëknhiethku puou, ku bik cëŋ ka ke ye mith etik.

Wien 2

Raan eben alëŋ yic bi liëk eyithiic ku lau enhömic ecëël kenic ka ci tëktëk ethök etiël ekuat, ku kit, kemen thai ku thök ku yanh ethëek ku wël ebai kmen wët dët löi e röt kemen bai ku ciëŋ bai kemen jæk ku dhëth kemen kuat etau dët löi e röt ka cin tëktëk ethök ekäm mö ku tik.

Ku cit te wen ci yen luel, acin tiel tö e wel ebai yic ku lööŋ ku kem ebëi ku ten wen rër eraan thin pan cëŋ kemen ci cëen kemen aci röt mac eröt, kemen tö eraan dët cin.

Wien 3

Raan thök eben alëŋ yic bi pir ku leu nhöm ku le laŋ.

Wien 4

Kuat eraan acii leu bi kool kemen bi loony kuat epɛc ku loony thok eben aci pëen.

Wien 5

Raan thok eben aciben e lëëŋ kemen bi köuc yōŋ ci min elai, keme bi joor bi ci thëk.

Wien 6

Raan thok eben kuat et ci yen yok thin alëŋ yic bi gam ka ye raan lëŋyic elooŋiic.

Wien 7

Raan thok eben aathoŋ nhiim elooŋ nhiim, kua lën yic bi liek eköuny thoŋ nhöm ka cin tiel bi looŋ kak tiit.

Wien 8

Raan thok eben alën yic bi luk ebanypenden nhiimbi yicde yok ci min eyith tuëŋ e looŋ kek gam yen.

Wien 9

Ran thok eben aci leu bi döm kemen dampiny, kemen cöb ewëi baai edieny.

Wien 10

Raan thok eben alëŋ yic bi nhöm agit ka kɔc kɔk, bi luŋde tiŋ elüok pathiic bi yek yicde ekɔc nhiim ku kak ci gämröt, ku kuat emëny ci yen mëëny göup.

Wien 11

Kuat eraan ci mëëny, acin göup awuc ɣet te bi loŋ yen nyooth lon le yen göup awuc ekɔc nhiim ku kony bi rot köuny bei.

Raan aci luk ewei erin eken ci löi kemen ci kuc bi löi, ke ce yen awuc ye loŋ ebaai nyooth, kemen loŋ epinynhöm, te wen yen looi yen rot thin.

Wien 12

Acin raan ekëëc epir eraande yic, kemen pande ku ɣonde kua thorkeiic kemen bi dhol ku rëc erin edieny, ku raan eben alëŋ yic bi loŋ köuny ekak cit ekak yiic.

Wien 13

Raan eben alëŋ yic bi cëëth te wic ku löc te den erëër eɣan akeu thok eben ebaai yic.

Raan eben alëŋ yic bi la te wic epiny nhöm agut panden kua lën yic bi dhok thin.

Wien 14

Raan eben alëŋ yic bi kook pandet, kemen bi them bi kook thin ka kat eköuc ciëŋ.

Kuat eraan ci kaŋ yath elukic awuc ca awuc ewel ebaai kemen bi lui eke ce röm kek elooŋ (UN), acii lëŋ yic bi liek eyic ken yic.

Wien 15

Raan eben alëŋ yic bi rot yek anyööth lön eyen ran ebaai.

Aci leu bi raan pen wer erot edieny, kemen bi jai lön ci yende yic bi rot war.

Wien 16

Moc ku tik te ci kek roun ethëek dööt, aalëŋ yic bik ker ebœi ku löike mith ka cinic ale kemen yath kua lëŋ yiith thöŋ nyiin ethiëkic ku loui yic ku pök yic.

Thiëk ci loi ka kic ekoc thiëk rot gäm kua ci mēc ekek.

Moc ku tik kek aamaatic tueŋ ebaai, kua lëŋ yic bik liek eköuny baai ku baai nhöm.

Wien 17

Raan eben alen yic bi lëŋ kede erot, kemen bi röm kek koc kok.

Aci leu bi raan pëec cin bæi ekake edieny.

Wien 18

Raan eben alëŋ yic bi tak ka lau nhöm popuonde, yanhde kua lëŋ yic bi yanhde waric kemen ke ye thëek kua lëŋ yic bi pioc ku yeknhöm ku nyooyh ku tiit ka thien keme ekoc nhiim.

Wien 19

Raan eben alëŋ yic bi wetde luel ka lau nhöm kue yic ken egäm ewel ka launhöm ka cin raan la thin ku y'on ewel ku tektek ku cœel kek edhol ci takic ka ci luui aken ewuad.

Wien 20

Raan eben alëŋ yic bi met akutic kua kuut la lik.

Aci leu bi kuat eraan mat akut ci wic yic eriel.

Wien 21

Raan eben alœŋ yic bi lui miric panden bi kuany egai ekoc ekuany.

Raan eben alëŋ yic bi lui ci min ekuat eraan lui baai.

Ke wic koc ebaai yen eya rie e mir. ku ke wic koc kene ekueny kueny bi kam bi yaa weenic ekuany aliklik ka koc thöŋ nhiim kemen bi loui te wen bi raan cuet ka lau nhöm.

Wien 22

Raan eben ka ye raan aakutt ekociic aalëŋ yic bi köny ekoc bai ku koc epinyinhöm ka cit te ye panden ye loui thin ku yith epirde ku cieŋ ku wëet ci rot pal athekde yic la tuëŋ ku thiek yicde.

Wien 23

Raan eben alëŋ yic bi lui ku kuany ka cit te wic e yen kua lëŋ yic bi köny bi lui.

Raan eben alëŋ yic bi lui a riob thoŋ nhöm eloi yic ka ci yic tiel.

Raan eben alëŋ yic bi riob ariob ci gam bi rot muk apth ku juak ekak awen bi pirde cokpiny.

Raan eben alëŋ yic bi dit ku met akuic bi ka ke tiit koth.

Wien 24

Raan eben aləŋ yic bi ləŋ kemen bi cin lau ku nyoth enin ken eloi ku kol cin yen loi thin.

Wien 25

Kuat eraan aləŋ yic bi pir ka piol goup ku mit puou ka pande ecampathic, kua leth ku ten enin ku ka wen ekɔc kouny baai kua ləŋ yic bi pir cɔk nyinic ke cii yen lui, ku tuany, kemen ci bäl ku lær kemen ci dhiöb ku la kak awen epir mietic, ka leu yen cin thin.

Meth ku man aləŋ yic bi kek köny ku muk kek apath ku mith eben athöŋ nhiim bi kek tiit baai mith dhëth mɔc kek ku mith e lim.

Wien 26

Kuat eraan aləŋ yic bi pioc kua dhil epioc epath tueeŋ, ku pioc tueeŋ adhil emac eya nhöm, kua pioc etæt ku loi loi ecin ku cɔl pioc den la tueeŋ apiolic, bi nhöm thöŋ ka jaŋ.

Ku wæt ke ku bi thiekic ku thëk ka ye raan ku lau enhöm la tueeŋ e cieŋ ku pëlpiny ewel ku määth ekem e wuuut ku la kuut, ku köny thaai epinyinhöm bi door muk.

Warken emith aləŋ yic bik mithken wæt cit te wicke.

Wien 27

Kuat eraan aləŋ yic bi mæt ka lau nhöm epir ekɔc ebaai yic, ku bi liek etætetic kua jueer erin ela tueeŋ epioc ku bi kak bi ben bæi yhin kɛc köuny.

Kuat eraan aləŋ yic bi ka path ku cieŋ ken epioc tiit.

Wien 28

Kuat eraan aləŋ yic bi liek ecieŋ ekɔc epinyinhömic, bi yithke ku lau enhöm ci nyooth ecɛel ken yic yok egai.

Wien 29

Raan eben adhil kɔc loui bi yen nyouth lon te yen ekɔciic bi dit ka lau nhöm.

Raan eben adhil yithke thaap ka kacit te ci looŋ yen nyouth thin bigemgɛm e yith e kɔc kök, ku lau e nhömde kua thekden, ku jɔl aathöŋ nhöm e loiloi yiic, ku ka poth eyok eben ku jam aathɛek ecieŋ ekɔc epaan ekɛc thoŋ nhiim.

Aci rot kaŋ lëu ather bi yith kak thaap ka ce te wen wic thai epiny nhöm ke thin.

Wien 30

Acin wet leu bi war kemen bi cɔkpiny e cɛel ken yic ku luel ala ka ci pan ken kemen raan ken aci looi bi lyiith ku lauenhöm ci ben thin rac.